

Aninnis Ngeni Semirit me Ar Famini fansoun Kuwarantin me Akkanaemonuno

Aninnisin Mwokutukutun Famini ren an Poputa Sefan Sukuun

A poputa sefan an semirit sukuun me non unusen Oregon. Ei fansoun mei awora kapas eis me noniinen ren met epwe fis ika e wor tingor an noum semirit epwe nomwonong non imw ren an nomwongeni emon mei uri COVID-19 ika ren an a semwen. Ewe Oregon Health Authority me Oregon Department of Education ra chuufengen ren ar repwe amwonnata aninnis ngeni famini ren met repwe fori me aninnis ngeni semirit me ar famini ika mei auchea ar repwe kuwarantin ika akkanaemonuno atun an a suuk sukuun.

Akkomwan, noum semirit epwe nomwonong non imw seni sukuun ika:

- Ar tempuchu mei tori 100.5 ika feita.
- Re mefi ar semwen, ika mwo ese urir COVID-19 ika esissinen semwenin COVID-19.
- Mei urir esissinen semwenin COVID-19 nge repwe akkanaemonuno.
- Mei positiif ar tessin COVID-19, nge rese mefi esissinen semwenin.
- Ir mei nomwongeni emon mei uri COVID-19 nge en sukuun ika chon public health department re mochen an epwe kuwarantin.
- Ika emon chon non imwemi e positiif an tess ren COVID-19.

Meni epwe pwan wor om ekiem ren met wewen ei akkanaemonuno me kuwarantin, ngonuk me om famini. Kuwarantin me akkanaemonuno nge ew mwokutukut ren an epwe kouno cheunon COVID-19.

- **Kuwarantin** wewen nge om kopwe aimwuuni emon mei nomwongeni emon mei uri COVID-19 seni aramas rese nonom non imwom ena. Emon mei tongeni esemweni emon ren COVID-19 me mwon an epwe mefi semwenin. Kuwarantin mei aninniseoch ren an esap pwan uri ekkoch aramas ei semwen. Ika aramas non ew imw rese nomwongeni emon ika nomw ren emon mei uri COVID-19, fengen me rese mefi semwenin, iwe ese pwan wor namwoten ar repwe kuwarantin.

- **Akkanaemonuno** wewen pwe emon mei positiif ar tess ren COVID-19 epwe nomwonong non imw me achocho ne imwuuno seni aramas non imwar ika pwe mei tuufich. Ika pwe noum semirit, ika emon non imwom, e positiif ar tessin COVID-19, aupwe tingor ngenir ren ar repwe akkanaemonuno, fengen me ponuweta an chon public health department tingor ren met repwe fori.

Ren om kopwe pwan sinei porousen akkanaemonuno, kuwarantint me met ekkan nenien sukuun repwe fori ika noum semirit a samwau ika nomwongeni emon mei samwau, kose mochen aneani ei [aninnis ngeni chon tumwun, iin me saam me ar famini](#). Ren om kopwe mwonnota, kose mochen katon ei Mwokutukutun Famini Nepoputan Sukuun mei kawor fan ei. An noum ena sukuun epwe awora ekkei auchean porous me aninnis an epwe anusuk ne weweiti ar mwokutukut ren aninnisin an noum epwe sopweno an sukuun ika re tingor an epwe nomwonong non imw.

Mwokutukutun Famini Nepoputan Sukuun

Mwonnota-Ngeni Kuwarantint/Akkanaemonuno

Sinei pwe meni noum ena mei auchea an epwe kuwarantint ika akkanaemonuno non ew fansoun atun sukuun nge ekkan famini repwe mwonnota ngeni met epwe fis **me mwen** an epwe wor kuwarantint ika akkanaemonuno. Sinei met kopwe fori pwe epwe anisuk om kopwe mwonnota me enukunuku met mei auchea atun om kopwe kuwarantint ika akkanaemonuno. Aea ei Mwokutukutun Famini Nepoputan Sukuun an epwe aituk eipweipwen me kopwe fori ren tumwunun om famini me aramasen non neniom.

Kapas Eis kopwe Ekieki	Mwokutukutun Famini
En ika om famini mei angei ewe opposun eppet, ika mei tufich? Sinei sopwosopwun porousen Opposun Eppetin COVID-19.	

Kapas Eis kopwe Ekieki	Mwokutukutun Famini
<p>An noum ena semirit nenien sukuun mei sinei nampan noum tengwa ika sinei ian repwe tongeni toruk me ia atun imerechensi ika pwe ese wor noum tengwa?</p>	
<p>Met sokkun mwokutukut en mei mwonnota ngeni ika kese tongeni uwei noum semirit me non imwen sukuun? Kose mochen esinesin ngeni ena sukuun ion repwe kokkori atun imerechensi.</p>	
<p>En mei sinei an noum semirit imwen sukuun mwokutukut ren sopwosopwonon ar kaeo sukuun ika e wor fansoun kuwarantin? Ika pwe apw, kokkori noun noum semirit sense.</p>	

Kapas Eis kopwe Ekieki	Mwokutukutun Famini
<p>Mei wor noum chon tumwun mei unus ar opposun eppet ika pwe kese tongeni nomwonong non imw ren noum semirit? Ika pwe apw, ion kopwe tongeni tingorei an epwe anisuk?</p>	
<p>Mei wor ew nenien imwuuno non imwom ena ren an emon mei semwen epwe tongeni imwuu seni meinisin? Ika pwe apw, makkei met kopwe fori ren om kopwe achocho ne eimwuuno emon mei semwen seni meinisin.</p>	
<p>En mei nonom ren emon mei tongeni watte ngeni affeiengawen semwenin COVID-19? Ika pwe wuu, met kopwe fori ren ar repwe imwuuno seni aramas mei semwen?</p>	

Kapas Eis kopwe Ekieki	Mwokutukutun Famini
<p>Amwonnata noum ne erenir met porousen COVID-19, aean pwonupwonun won maas, kaworen towaw fessen seni emon me pwan ekkoch mwokutukutun tumwun en, ika en sukuun mei awora. Met porous seni en etettenin aninnis kopwe aani porous ngeni noum semirit?</p>	
<p>Met pisek epwe wor reomw ren an epwe kukkunutiw cheunon COVID-19 ika pwe noum ika emon non om famini e semwen (awewe ren pwonupwonun won maas, sanitizerun paaw, pisekin enimenim)? Pwan met pisek mei auchea an epwe wor?</p>	

Kapas Eis kopwe Ekieki

Mwokutukutun Famini

Met sokkun safei mei wor reomw ren safeien
pwichikkar, mwor, metek, me pwan met?
[Pwan met pisek mei auchea an epwe wor?](#)

Fansoun Kuwarantín/Akkanaemonuno

lin me saam me ekkan famini repwe ekieki ekkei tetten **fansoun** an epwe wor kuwarantín ika akkanaemonuno. Ei aporous mei wor ikei ren aninnisin sopwosopwonon amwonnota ngeni. Ika pwe noum semirit ika emon non imwom ena mei semwen ren COVID-19, achocho ne tumwuneochuu ar repwe imwuuno seni meinisin. Ika kopwe porous ngeni emon mei semwen, chechemeni om kopwe aea pwonupwonun won maas, tonu poumw, me soun enimenim fetan. **Kokkori 911 ika noum semirit ika emon non imwom ena e fisingeni ew ekkei napanap: weires an ngasangas, metek ika weires fan mwarin ika nuukan, ese tufich ar repwe kka ika oromwanong chonun kka, e osukosuk non ar ekiek ika, rese tongeni ar repwe neno, me/ika a kkiar tunneawar ika won mesar.**

Ekieki	Mwokutukutun Famini
<p>Ika pwe noum semirit e niwin me non sukuun, kopwe eis:</p> <ul style="list-style-type: none">• Inet repwe tongeni niwin?• Ika rese mefi ar samwau, repwe ifa ussun ne sopweno ar kaeo sukuun me non imw?• Mei wor an chon sukuun tessin COVID-19 ese kame?• Nei semirit mei chiwen tongeni kawor ngeni mwongon nesossor/mwongon nonowas/mwongon mwirin nonowas me non imw?• Met sokkun angangen kaeo me towaw e wor?	

Ekieki	Mwokutukutun Famini
<p>Mei wor noum chon chiaku, emon aramasom ika emon chiechiom ke nukunuk non pwe epwe anisuk ren chiaku ika ke mochen?</p>	
<p>Ika ke ekieki pwe emon aramasom mei uri COVID-19, mei auchea om kopwe angei ewe tess. Sinei porousen tessin COVID-19.</p>	
<p>Eponuwa ika kokkori sefan meinisin kokko meren om local health department. Ina repwe anisuk om kopwe weweiti met mei auchea om kopwe fori ren tumwunun noum me om famini. Ponuweta meinisin tingor meren ewe local health department.</p>	

Ekieki	Mwokutukutun Famini
<p>Ewe local health deartment mei chommong ar aninnis ngonuk. Makkei me ia mei auchea an epwe wor aninnis, aweve ren:</p> <ul style="list-style-type: none"> • Ifa ussun angangen aninnis ren samwau • Mwongo, imwach, me aninnis ren meon konik me fiifi • Iten aramas me ekkan neni epwe awora aninnis ngonuk ika ke nomwonong non imw <p>Kutta om local health department</p>	
<p>Ika noum ika emon chon nonom non imwom mei auchea an epwe ffor an apoinmen ren semwen, kokkori noum tokter me mwen om kopwe chuuno non ar ofes. Ir mei tongeni ar repwe kokko won fitio/tengwa ren apoinmen ika esinei ngonuk met kopwe fori ika kopwe chuuno non ar ofes.</p>	

Ekieki	Mwokutukutun Famini
<p>Ei fansoun mei tongeni aweires ngeni semirit me ekkam famini. ODE mei chommong ar aninnis:</p> <ul style="list-style-type: none"> • <u>Epochokkunen Ekiek me Aninnisin Nonnom ren Semirit me Famini</u> • <u>Nimwu ekkei mwokutukut ren aninnisin epochokkunen ekiek</u> • <u>Epwe ifa ussun an emon sapengeni ew osukosuk ren cheunon ew watten semwen</u> • <u>Ifa ussun an emon epwe anisi semirit me nengin me aat non ar riaffou ika atun an wor mei maa</u> <p>Mei wor porousen non ekkei aninnis ke mochen makkei ren om kopwe chemeni?</p>	

Ekieki	Mwokutukutun Famini
<p>Ika kese tongeni tou me non imwom ren om semwen, kopwe ifa ussun ne kame onomw, ika unumwom safei ika kose tongeni tou me non imw? Cheki ika om nenien kame mwongo ika safei mei tongeni uwouno ren imwom ika awora pick-up me nukun.</p>	
<p>Kapas ngeni noun noum semirit sense ren om kopwe sinei ifa ussun ar repwe sopweno ar kaeo sukuun non ar nomwonong non imw me mei wor pisekir (kampiuter, internet, me pwan met) mei auchea ar repwe sopweno ar kaeo.</p>	

Amwonnota ren Nepoputan Sukuun

Ren aninnisin an noum semirit repwe tongeni **poputa ne sukuun**, Ekieki ekkei tetten me mwirin kuwarantin me akkanaemonuno. Chechemeni om kopwe kapas ngeni ar sukuun me om local health department, fengen me ponuweta ar fansoun mwokutukut re awora ren an noum epwe niwiniiti an imwen sukuun. Ika noum ena mei chiwen mefi an samwau ika, emon pwan chon non imw a poputa ne semwen, kopwe esinesin ngeni ena sukuun me chon local health department.

Kapas Eis kopwe Ekieki
Amwonnata om mwokutukut ren an noum epwe niwin sefan ngeni sukuun ika chon sukuun me ewe local health department ra ara pwe mei O.K. Ika kese ffat ren inet noum semirit a tongeni niwinno non sukuun, kopwe kokkorir. Porous ngeni chon sukuun ren met epwe fis ar repwe niwinno ren ena imwen sukuun.
Non atun kuwarantin, ika pwe noum ena ika emon chon non imw e semwen, makketiw ewe pwinin maram re poputa ne mefi ar semwen iwe ka esinesin ngeni ewe sukuun me ewe local public health department.
Chuu ngeni chon ena sukuun ika ewe local health department ika mei auchea an epwe pwan wor aninnis ngonuk, ika mwo noum semirit a niwin ngeni an sukuun. Ir mei nomw ar repwe aninnis.
Anisi noum an epwe sopweno an kaeo non sukuun. Menni sense ika chon angang kopwe kapas ngeni ren om kopwe sinei ika mei wor ar asaimen mei auchea ar repwe fori?
Ar niwiniiti sukuun me mwirin ar apsen mei tongeni mecheresingaw. Kopwe ifa ussun ne kapas ngeni noum semirit ren met re mefi fengen me met repwe ara ika aramas re eis ika pota rese sukuun?

Toureochun taropwe: Ren ekkan aramas mei wor apwangapwangen inisir, ika ren ekkan aramas rese sinei fosun Merika, OHA mei tongeni awora ekkei porous non pwan ew sokkun napanap ren chiaku, epwe makkemong makan, ika braille. Kokori ewe Health Information Center, won nampa 1-971-673-2411, 711 TTY ika COVID19.LanguageAccess@dhs.ohio.gov